

A I R E A M H.

agus ainmhidh: 'fan là air an do bhual mi gach ceud-ghin ann an tìr na h-Eiphit, naomhaich mi iad dhomh féin.

18 Agus ghabh mi na Lebhithich 'an àite uile cheud-ghin chloinn Israeil.

19 Agus thug mi na Lebhithich mar thiodhlac do Aaron, agus d'a mhic, o mheasg chloinn Israeil; a dheanamh feirbhis chloinn Israeil ann am pàillion a' choi'-thionail, agus a dheanamh réite air son chloinn Israeil: a chum as nach bi plàigh sam bith am measg chloinn Israeil, an uair a thig clann Israeil am fagus do'n ionad naomha.

20 Agus rinn Maois agus Aaron, agus co'-chruinneach chloinn Israeil uile, ris na Lebhithich a réir gach ní a dh'àithn an Tighearna do Mhaois a thaobh nan Lebhitheach, mar sin rinn clann Israeil riu.

21 Agus ghlanadh na Lebhithich, agus nigh iad an eudach; agus thug Aaron suas³ iad mar thabhartas 'an làthair an Tighearna; agus rinn Aaron réite air an son a chum an glanadh.

22 Agus 'an déigh sin chaidh na Lebhithich a steach, a dheanamh an feirbhis ann am pàillion a' choi'-thionail 'an làthair Aaron agus 'an làthair a mhac: mar a dh'àithn an Tighearna do Mhaois a thaobh nan Lebhitheach, mar sin rinn iad riu.

23 Agus labhair an Tighearna re Maois, ag ràdh,

24 *Is e fo an nì a bhuineas* do na Lebhithich: o chùig bliadhna fìthead a dh'aois, agus os a

dh'fheitheamh air feirbhis pàillion a' choi'-thionail.

25 Agus o aois leth - cheud bliadhna sguiridh iad a dh'fheitheamh air a' feirbhis, agus cha dean iad feirbhis ni 's mò:

26 Ach frithcilidh iad maille r'am bràithribh ann am pàillion a' choi'-thionail a ghleidheadh a chùraim, agus cha dean iad feirbhis sam bith eile. Mar sin ni thu ris na Lebhithich a thaobh an cùraim.

C A I B. IX.

AGUS labhair an Tighearna re Maois ann am fasach Shinai, 'fa' cheud mhìos do'n dara bliadhna, 'an déigh dhoibh teachd a mach a tìr na h-Eiphit, ag ràdh,

2 Cumadh mar an ceudna clann Israeil a' chàisg 'na h-àm fuidhichte féin.

3 'Sa' cheathramh là deug do'n mhìos fo air feasgar^b cumaidh sibh i 'na h-àm fuidhichte féin, a réir a h-orduighean uile, agus a réir a deas-ghnàthan uile cumaidh sibh i.

4 Agus labhair Maois re cloinn Israeil, iad a chumail na càisge.

5 Agus chum iad a' chàisg air a' cheathramh là deug do'n cheud mhìos air feasgar, ann am fasach Shinai: a réir gach ní a dh'àithn an Tighearna do Mhaois, mar sin rinn clann Israeil.

6 Agus bha daoine àraidh a shlaicheadh le corp duine mhairbh, air chor as nach b'urrainn iad a' chàisg a chumail air an là sin: agus thàinig iad 'an làthair Mhaois, agus 'an làthair